

庸

言

庸言卷第四

游藝第四

問游藝學文將無同乎曰藝所以學道也文所以載道也藝莫大於禮樂文莫大於詩書而射御書數之法亦載焉皆道之所寓而日用之不可闕者也三王盛時易掌於太卜春秋未作故王制曰樂正崇四術立四教順先王詩書禮樂以造士春秋教以禮樂冬夏教以詩書術之為言路也入德之路故崇之也豈四時異其教哉禮樂儀文度數繇矣故陰陽中和之候始興其藝焉誦詩讀書無煩執

業故隆冬盛暑所不廢也然而射以平志御以和  
心書以綴事數以御繇講肄亦必及之但不如禮  
樂為用之急爾迨孔子生於周末王制不行乃翼  
易作春秋於是始以學文為藝矣故史記述孔  
子之言曰六藝於治一也禮以節人樂以道和詩  
以達意書以指事易以神化春秋以義如舍六藉  
而求心學固流於禪然徒尚文藝沉溺章句於心  
茫無所得是則玩物喪志而已故書曰學于古訓  
乃有獲

弟子之職先力行而後學文成人則先博文而後約

禮相承之序也然則游藝亦豈可緩哉是故志道而有心得則躬行而可據援德而全天理則得仁而可依依仁也道得於心而全體不息者也仁而不遠則六藝義理之趣皆博觀而盡獲之矣是無本末合內外之謂也譬則游於園沼雲飛川泳其趣在我夫豈顯以玩物為哉

問君子博學於文約之以禮僅能弗畔猶未至於不可須臾離也顏子克己則不事學文而禮已復然則文藝在所畧與曰惡是何言也聖人之道上達則高矣允執則堅矣時措之宜變化不居則前後

無方矣仰而鼻及則無階可升鑽而求通則無門  
可入瞻之在前視之方微見也忽焉在後見之又  
未定也於是循博約之教焉蓋散一於萬謂之文  
會萬於一謂之禮視而有藝業聽而有答問言而  
有辭章動而有威儀孰非文哉惟視聽言動一於  
禮而心統之則棹乎中庸服膺勿失者即聖人之  
矩矣力求其矩而止焉則上達而高者如有所可  
及允執而堅者如有所可通變化不居在前在後  
者如有所不移然欲相旋於卓爾之地而無由其  
所未達者一間耳是豈但弗畔而已哉真能不可

湏更離而猶未能化也故曰中庸其至矣乎是則  
禮也者中庸也博文所以擇乎中庸也苟不事學  
文而圖復禮曷由明善以克有我之私哉世有舍  
六籍而來諸心者是舍筌蹄而求魚兔未見其得  
也是故博約本一心禮文非二物

道形而上者也器形而下者也德成而上者也藝成  
而下者也道得於心謂之德器闡於文謂之藝養  
蒙之道隨上下以為輕重則聖功豫矣是故孝弟  
謹信愛衆親仁所以立德也行有餘力則以學文  
所以游藝也主於立德則義理勝利欲而藝亦日

以進不主於立德則利欲勝義理而藝日以不進  
使能脩其德行則人必從而稱之曰此德行人也  
徒有文藝則人必從而稱之曰此文藝人也豈非  
成而上下者哉言行交脩本末兼舉則其入大學  
也特擴而克之爾孝弟則事君事長之道皆基之  
矣敬信則慎德忠信之道皆基之矣愛衆親仁則  
好惡絜矩之道皆基之矣雖不以文名其人則大  
人也何況有本之文乎故曰大德不官大道不器  
古之達禮三曰祀曰祭曰饗皆以為用而其體則天  
地人也所謂吉凶軍賓嘉皆主此三者以成禮古

之達樂三曰風曰雅曰頌皆以為經而其緯則賦  
比興也所謂宮商角徵羽皆主此三者以成樂故  
伯夷之典三禮也以祀天神饗人鬼祭地示也而  
樂以降天神假人鬼出地示為成九獻之禮九成  
之樂各歌詩焉學士受成均之瀦故興於詩立於  
禮成於樂一時並作豈有始終之序哉

祭祀大饗有三始焉降神謂之歆陳饌謂之薦皆作  
樂以致之既乃禮之以玉而裸謂之獻夫天者統  
元氣焉事天以炆為歆神之始以血為陳饌之始  
盥尊而遠之也故以祀禮接焉祀者觀神道也地



者統元形焉事地以埋為歆神之始以血為陳饌  
之始蓋近而察之也故以祭禮接焉祭者察物類  
也人者統元識焉事宗廟以灌為歆神之始以腥  
為陳饌之始蓋引而敬之也故以饗禮接焉饗者  
懷精氣也天地至尊不裸裸者獻配帝爾獻則大  
合樂歌以崇德舞以象功歌在上而舞在下者上  
德而下功也人稟中和之氣有中和之聲故能裁  
制八音優游中節故琴瑟四工一倡三歎連四為  
一以配下管之一聲蓋匏竹音高而絃音微每為  
其所掩故歌者長言之也長言之則以律和之聲

長而濁者為宮以漸而清且短者則為商角徵羽  
大不抗越幽不細散蕭蕭如也曲折沉浮尋變入  
節雍雍如也故聲中無字字中有聲如字有喉唇  
齒舌之異當使輕圓融入聲中令清濁高下如縈  
縷然轉換之時無少磊砢此謂聲中無字如字本  
宮聲而曲合用商聲則轉宮為商而歌之此謂字  
中有聲故詩樂之分詩以其辭也樂以其聲也樂  
歌有倡有歎倡者發其韻和者繼其聲詩辭之外  
疊字散聲歎發其趣故曰展詩會舞應律合節苟  
句之長短字之多寡聲之平仄一定而不易則其

歌聲躁急無復平淡是以詩就樂而非以樂就詩  
矣此所以貴審聲也

樂正成均之教世子既與胄子齒知父子之道君臣  
之義長幼之節矣於是乎禮樂二者必並舉焉禮  
以安上治人為體以別疑坊欲為用以玉帛俎豆  
為數以周旋裼襲為容數與容可損益也體與用  
不可斯湏失也樂以易直子諒為心以孝友中和  
為德以律度鏗錡為器以綴埤舒疾為文器與文  
可損益也心與德不可斯湏失也故禮得其本則  
無體樂得其情則無聲以此養世子則其成也悽

恭敬而溫文故曰禮由外入樂自內出斯須失禮則暴慢之行窮於外斯須失樂則奸邪之行窮於內故禮樂者君子以自養也

射之為藝非但有似乎仁人君子而已鄉大夫既獻饔餼于王退而以鄉射之禮五物詢衆庶焉一曰和內志正也二曰容外體直也三曰主皮志正鵠也四曰和容進退閑於禮也五曰興舞節奏比於樂也其存心養性之方乎是故延射而無勇不忠忘親貪利者不與焉惇倫也揚觶而好學不倦好禮不變者終留焉敬身也誘射而倚旌侯中章知

也履物堂上踐行也觀於射而自脩之道見矣其  
詢衆庶何也求其人豫養以詩舉也故曰此謂使  
民興賢出使長之使民興能入使治之明試之也  
其歌騶虞用天子之節何也將復獻于王也科舉  
設而德行道藝泯矣洪武中場屋後必試以射其  
周官之法度乎

御之為藝見於曲禮少儀而語曰升車必正立執綏  
則畫之矣綏安也索挽以上車者也乘車者必執  
良綏以為安焉故君車已駕則僕者負良綏取貳  
綏以先升既升然後以良綏授君君正立執之以

升立于左僕執轡立車中以為御勇士立右以備  
非常故御為人僕所執最卑者也孔子常為大夫  
矣而曰執御則譙辭也觀其乘車之容非恭而安  
者其孰能與於斯

六書之出於易也轉注假借之前理義存焉何止性  
之生於心者乎天之為字一大會意命之為字口  
令指事明之為字日月象形情之為字心青諧聲  
由此推之學者赤子之覺也效言而漸覺無不言  
焉效步而漸覺無不行焉歲其見而人亦莫之見  
也德者行之直於心也豈其以敬而聚者乎業業

木之不採取者也生遂至于叢則化育之功成矣  
是故以言成功也然則字畫有義與曰否天則孽  
人則鑿

筭法九章出乎易者也伏羲作九九之數以合天道  
其乾元用九之所衍者與一十百千萬億地京垓  
秭大數也度則忽絲毫釐分寸尺丈量則圭撮抄  
勺合升斗石衡則黍稬銖兩斤秤鈞石皆自小而  
大其數皆八然皆生於黃鍾之律用九生六故虞  
書同律度量衡先後本末之序也凡數有實有法  
實者積數之本法者升降之用升積曰乘降積曰

除其因乘也以所有物數為實以所求物價為法  
法實相命言十就身言如隔位次第以法求之其  
歸除也以所出率為實以所求率為法實為法而  
一言十當身言如次位求之法實起於黃鍾自一  
而九其數奇所生十一律自二而六其數偶奇圓  
偶方陽上陰下律書曰以下生者倍其實三其法  
以上生者四其實三其法律體圓而以侖方算其  
積分則誤矣是故算法之實皆因物之方圓曲直  
焉以粟米計多少則必求諸方圓以勾股測淺深  
則必求諸曲直皆出乎易故子卿子曰大衍之數



其算法之源乎是以算數之起不過乎方圓曲直也乘數生數也除數消數也算法雖多不出乎此矣

左氏絳縣老人之歲劉元城嘗解之曰臣生之歲正月甲子朔四百有四十五甲子矣其季於今三之一也季末也今今日也謂已得四百四十四全甲子其末一甲子六十日而今二月癸未終得二十日也故曰三之一自文公十一年歲在乙巳至襄公三十年歲在戊午通七十四年而師曠以為七十二年者蓋老人所稱正月謂夏時左傳所書二

月則周月也以周建丑之月詎乙巳元日則正七  
十三年周書曰夏數得天百王所同敬授民時猶  
自夏焉周雖正朔建子而民俗常談必以夏時紀  
之於此可驗矣以亥二首六身筭之則二萬六千  
六百六旬少四十日即為四百四十五甲子亦前  
所謂三之一也古以甲子計日故謂之旬出自虞  
書今陰陽家猶能言之所謂甲子旬中者是已  
夫子之文章見於繫易所言無非性與天道也如首  
言天尊地卑主於乾坤謂之意盡用矣與則謂之  
章索節通篇句從章渙三陳九卦後以至巽語若

複而意益明雖左傳國語亦有此法然精潔弗如也乃矧言出乎身加乎民與非所困而困焉之類則對偶之絕慙者王克曰文字有意以立句句有數以成章章有體以成篇篇則章句之統故曰聖人之情見乎辭書之則文辭也什之則文德也故上天多文后土多理言之無文不為聖賢韙哉言乎故繫辭萬世文章之師法也先得我心之同然者其周程乎

書本百篇遭秦燼絕漢文帝時傳伏生今文二十九篇景帝時魯共王得諸孔壁中百篇具在武帝時

遣使者取視莫能讀遂秘於中成帝時張霸獻偽書帝出所秘校之皆不相應於是下霸於吏班固藝文志尚書古文經四十六卷註謂五十七篇者是也且言孔安國獻之遭巫蠱事未列于學官則是與成帝時所獻者異矣先儒因書序不類先漢遂疑焉吳澄斷以今文為正謂古文乃梅賾偽作然危微精一之訓豈賾所能為邪蓋武帝時雖秘於中漸有能讀之者至安國始開其訛損萃而成書僅止此爾漢志非誣也雖百家所引逸書皆蒐入無遺然堯曰數語說者謂當在舜讓弗嗣之

下而今文無之古文亦然若果出偽手則此語必  
勦入之矣予以是決知其本出孔壁實安國之所  
萃者也

關雎之亂以為風始鹿鳴為小雅始文王為大雅始  
清廟為頌始刪定之序也故曰詩有四始以律和  
聲詩即樂也故升歌鹿鳴三終夔饗之常用之升  
歌文王三終兩君相見用之升歌清廟賓祭之大  
者用之升歌之後笙入南陔三終間歌魚麗三終  
然後合樂關雎鵲巢各三終是謂亂者樂之末章  
也上下合奏洋洋盈耳學詩樂者必此焉先周末

詩亡樂弛孔子正之故曰吾自衛反魯然後樂正  
雅頌各得其所近世楊鏡川五經私抄刪去變風  
淫詩而移彤弓為小雅始程篁墩詩考則據劉歆  
云文帝時詩始萌芽皆諸子傳說至武帝然後鄒  
魯梁趙頗有詩禮春秋一人不能獨盡其經或為  
雅或為頌推此意也則今詩出于漢儒綴輯非孔  
子刪定之舊本矣予按刺淫之詩出于好惡之正  
朱子不信詩序始以為淫者所自作矯枉過直遂  
啓後人之疑觀左傳君臣所賦多朱子以為淫者  
是則國風完具固可徵也而況雅頌乎曰為雅為

頌者蓋分類而肄之猶所謂女為周南召南云耳  
刪定舊本傳誦在人漢儒曷嘗妄有所綴輯哉又  
嘗作對佛問稱其凌髡緇能麗佛居擬之忠孝豈  
佛亦有彛倫者與於聖經則深疑之於佛教則篤  
信之吾不知篁墩之見何見也

夏以建寅為春正月平旦為朔殷以建丑為春正月  
鷄鳴為朔周以建子為春正月夜半為朔此所謂  
改正朔以新天下者也孔子曰行夏之時夫謂之  
夏時則必有殷周之時矣朱子釋孟子曰周七八  
月夏五六月是改月也據周禮正歲正月則曰周

實是元改作春正月是改時也論程傳夏時冠周  
月則以常差兩月非之蓋春秋所書冬大雨雪酉  
戌之月也春無冰子丑之月也觀社以夏西狩以  
春其非夏時可知矣先王正朔時月皆改凡其頒  
朔授時筆於經者用時王月數故曰春王正月民  
俗之時歲相與話言則猶仍寅月起數如詩四月  
維夏七月流火之類是也故書王正月者正以別  
乎民俗所仍夏時云爾近世周洪謨承戴良之誤  
力辯春王正月即行夏之時然則王豈夏后氏之  
王與不通甚矣



夫文有禮樂焉自其秩然有節度者為禮自其鏗然有聲絃音者為樂夫禮理也中之謂也樂樂也和之謂也然非吾心中和又安有是禮樂哉

詩之文婉書之文醇易之文奧禮樂之文達以該春秋之文謹以嚴謹以嚴者主乎事達以該者主乎化奧者主乎道醇者主乎政婉者主乎性情是以孔乎述之楷法萬世矢口肆筆胥此焉師故夫騷賦頌贊歌謠詠歎源乎詩也匪婉則匪文也詔誥表箋策詠檄誓源乎書也匪醇則匪文也篆圖序論原說辯解源乎易也匪奧則匪文也辭銘祭誄

引操篇章源乎禮樂也匪達匪該則匪文也紀傳  
書記志譜狀碑源乎春秋也匪謹匪嚴則匪文也  
或問文固貴正乎曰光被四表正矣方鳩僭功未  
嘗不奇也厥初生民正矣饕餮捄棘未嘗不奇也  
然則文必拘體乎曰讀易如未嘗有書讀春秋如  
未嘗有詩其體也方矣鳴鶴在陰易文類詩其在  
于今詩文類書其用也可無變乎是故圓出乎方  
奇出於正者可以為文矣

人有恒言曰詩能窮人又曰詩能達人是安所取衷  
哉窮達者時也裕乎窮達者道也有人於此其心

放其性鑿其情蕩其聲麗以淫哀以怨是豈可以  
言詩乎吾知其雖達而終必窮也有人於此心通  
乎道性定而情和聲一於正而脩辭立其誠是豈  
不可以言詩乎吾知其雖窮而終必達也昔者周  
公遇變居東貽王鵠鶚之詩以未有室家為比成  
王感悟迎諸郊而相亦惟終召公當平世從王游  
歌而矢卷阿之詩終以車閑馬多諷焉其後野無  
遺賢治致刑措蓋深有味乎其言而崇用之也二  
公可謂裕乎窮達者矣故二南風化由是大興而  
雅頌多出其手養成君德昭告成功詩之用大矣

哉後世之詩匪僻則俳怨窮驕達又焉裕乎

詩可以言傳乎抑亦有不可以言傳者乎予不得而知也夫斷章取義則鴟奔墻茨春秋諸大夫猶樂道之佩玉晏鳴應門失守雖歌關雎世以為刺焉而況其餘乎是所謂忘言得意出於牝牡驪黃之外者也孔孟之教則又深乎是矣是故切磋琢磨窮理義也緝熙敬止釋至善也鳶飛魚躍章道體也于時保之申保國也然訓本進脩止迺語辭興在作人保指天威則若忘焉而寔非忘也是豈可以言傳者乎故曰善為詩者言近而指遠善誦詩

者心領而神會

孔子誦鴝鵒之詩曰為此詩者其知道乎及誦蒸民亦如之夫盈天地間物物皆道民彛物則非精也鳥獸草木非粗也漢魏以後詩變極矣陶潛曰娟娟雲間月灼灼林中花杜甫曰風飜箴近渚雨燕集深條猶有三百篇比興之義焉如作詩必言乾坤太極為知道則蒸民是而鴝鵒非矣謝方石選集伊洛遺音而謂近世道學詩為識者所姍笑殊不知程朱佳什正合唐人也可謂知言矣

字藝之源說文尚矣宋鄭樵六書略元楊桓六書統

皆因之鄭杓乃著行極曰書始於科斗古文古文  
變籀籀變篆篆變隸是故古文如春籀如夏篆如  
秋隸如冬八分行草歲之餘閑也且書肇於自然  
陰陽生焉形勢立焉勢來不可止勢去不可遏有  
若日月星辰縱橫皆有意象蓋造化生於筆端者  
也王安石字說最為穿鑿楊龜山力闢之然魏氏  
六書精蘊多用字說豈亦有可取者耶

六書之用有七音焉鄭樵以五行為序而分輕重溫  
公以四時為序而分獨與開合皆用胡僧三十六  
字母又各分內轉外轉亦有有音無字者然亦解

碎矣予乃盡去胡僧之舊合二家而約焉四聲則以平上去入為經四等則以清次清濁次濁為緯錯縱而成七音蓋喉音為宮居中而總四聲土也齒音為商秋金也牙音為角春木也舌音為徵夏火也唇音為羽冬水也半舌少徵半齒少商皆閏餘也合東冬二韻則翁胸洪容為宮宗聰叢崇為羽商公嵩窮邛為角東通同農為徵風瞢蓬蒙為羽龍為半徵鍾為半商四聲則翁擁龔沃也四等則翁為清胸次清洪為濁容次濁餘可類推矣

庸言卷第四

庸言卷第五

制禮第五

聖人制禮本天秩緣人情而使之中節者也上下殊  
事古今異宜協諸義而協則以義起如此而已禮  
運曰夫禮必本於天殽於地列於鬼神達於冠昏  
喪祭射御朝聘聖人以禮示之故天下國家可得  
而正也又曰夫禮本於太一分而為天地轉而為  
陰陽變而為四時列而為鬼神其降曰命其官於  
天也禮之時義大矣哉極大曰太未分曰一一必  
有兩兩必變四太極儀象之在人者也故儀禮十



七篇皆侯國受於王朝歲於有司以為正天下之具者戴記則後儒衍其文義焉耳蓋歲禮以脩義渾淪而無形體信以達順至誠而不貳本太一也堂階位著以辨尊卑柴瘞升沉以秩上下明天地也昏則勝御交洗祭則君夫人異酌法陰陽也覲則壇有四門喪則服有四制變四時也羶薌蕭光以報氣黍稷鬱鬯以報魄列鬼神也天人本一而無二於斯見之矣節文形於外儀則誠於中自非周公多才多藝孰能制諸魯共王嘗得古文儀禮二十六篇於孔壁中皆篆書也其十七篇與此合

災間有異同如關為熱閤為盛之類餘三十九篇  
絕無師說秘在于館遂至亡逸後儒無所取衷惟  
億戴記以制禮朝堂之上若聚訟然失辭讓之本  
矣可慨也夫

禮與非禮而仁與不仁係焉其於躬行也切矣其體  
也天理節文根於中天下之大本也其用也人事  
儀則發於和天下之達道也君尊臣卑父坐子立  
體固嚴矣災臣安於卑以事其君則氣自然婉色自然  
自災矍子安於立以事其父則容自然婉色自然  
愉一出於誠無所勉強故曰禮之用和為貴先王

之道斯為美小大由之非達道而何不以禮節之則和而流矣君臣主敬必至於藝敬父子主恩必至於狎恩其何以行之哉故天地之氣肅則必雍能敬且和何事不汙在易上天下澤曰履禮之所從出也然以兌說而仰對乾剛則有和之義焉大傳繫之蓋禮非強世也加之錙銖則過損之毫髮則不及故曰履和而至躬行由禮則動無乖戾矣故又曰履以和汙由此言之非有子之言也固孔子之言也汙禮之時局促不安固為非禮褻狎不敬亦為非禮皆將失其本心是謂不仁可不戒哉

古者男女之別嚴矣曲禮曰姑姊妹女子子已嫁而反兄弟不與同席而坐不與同器而食所以別嫌也考之儀禮註疏男子之坐在堂女子之坐在房大宗收族宗子燕食族人於堂宗婦燕食族婦於房是已兄弟不與同席同器雖未嫁者亦然春秋時敬姜與季康子闔門而語是敬姜在門內康子在門外也尊者且然而況於同等者乎況於卑幼者乎相見且然又何同席同食之有或曰父子不同席當與上文為一章言已嫁而反者雖父子亦不同席也大氏欲其別耳男女無別則亂生不可

以不慎

禮曰別子為祖繼別為宗百世不遷者別子之後也  
宗其繼別子之所出者百世不遷者也大宗之庶  
子皆為小宗小宗有四五世則遷已身庶也宗禰  
宗其服菴已父庶也宗祖宗其服九月已祖庶也  
宗曾祖宗其服五月已曾祖庶也宗高祖宗其服  
三月已高祖庶也則遷而惟宗大宗凡祭主於宗  
子其庶子雖貴且富皆不敢祭惟以上牲祭於宗  
子之家是故上治祖禰下治子孫旁治昆弟別之  
以禮義者大宗也宗也者尊也大宗也者尊之統

也有小宗而無大宗者謂君無適昆弟也有大宗而無小宗者謂君有適昆弟也有無宗亦莫之宗者則公子惟一而已諸侯之子身為公子上不得宗君下未為後世之宗不可無所統屬若無適兄弟則遺庶兄弟一人為宗禮如小宗若有適昆弟則為別子使之為宗其生也適庶兄弟皆宗之其沒也子孫世世繼之其餘公子則以次自為五世小宗之祖是公子本身亦有為宗之禮不待繼別而後為宗也故曰公子有宗道公子之公為其士大夫之庶者宗其士大夫之適者公子之宗道也

宗子何以必明立後也立非其後則人鬼不享立  
非其人則無以保宗祊故宗子之義莫大於立後  
矣立後之義有常有變為父後其常也為人後其  
變也為父後有常有變當室以嫡無嫡以年其常  
也年鈞以賢義鈞以卜其變也為人後亦有常有  
變宗子無後小宗以其支子後之嫡子不得後大  
宗其常也若小宗嫡子無昆弟而大宗絕亦必後  
大宗其變也漢世宗法猶明嘗賜天下為父後者  
之爵則三代可知也不明則亂亂則恩絕恩絕則  
彝倫斁矣故立後以重宗重宗以尊祖尊祖以收

族人道之大綱也

問禮曰君有合族之道族人不得以其戚戚君位也  
位曷謂曰君臣也君恩可以下施是故有合聚燕  
飲之禮焉筵族人皆臣也臣不得以父兄子弟之  
親自戚於君與君齒列故君必為之宗以恩聯焉  
此薦公劉之詩君之宗之必見於燕飲之時與是  
諸侯視天子以為準士夫視諸侯以為準者也故  
諸侯在燕必不敢戚天子而天子自戚之大夫在  
燕必不敢戚諸侯而諸侯自戚之親親之中尊尊  
者存焉然則一命齒于鄉二命齒于族三命而不



齒既貴固不統於宗與曰一命卑官也故與鄉里  
序齒再命漸尊鄉里不以齒先之猶與父族序齒  
三命益尊則父族亦不以齒先燕會則別席獨坐  
在賓之東矣此謂尋常聚會耳若宗廟之中則恩  
義無盡焉行禮之時同高祖者自為一行謂之昭  
同曾祖者自為一行謂之穆同祖同禰者亦如之  
所謂序昭穆也昭一行而昭之中有為士大夫者  
焉亦有為庶人者焉士大夫位乎行之中庶人則  
以次位乎兩旁穆亦如之所謂辨貴賤也授事以  
爵賢能而貴者執事在前賤者從之所謂辨賢也

宗子飲福均賜爵於族人之助祭者長者在前少者在後昭穆各秩然不紊子弟必舉觶勸其父兄尊長而九羣執事無不與焉故曰羣有司皆以齒所謂旅鬯也旅鬯之事羣執事中不能無異姓者是即賓也賓既奠觶而出奠後宗子留同姓族人以奠私則惟序齒雖有三命之尊亦不復論所謂奠毛也宗以合族故奠私主於同姓衆賓則歸肉而已奠則合族之道其即奠毛之謂與曰以四時之祭推之固一事也族人既有親疎奠食亦隨世降殺服本齊衰者一年四會食若大功則一年三

會食小功則一年二會食總麻則一年一會食是  
世降一等也後世同居共爨日夕會食恐不能久  
不如因四時之祭以親䟽為教如古法乃可行爾  
問後世大宗不明或愚且弱而支庶貴顯亢宗亦可  
立廟否與曰仁義人道之大端也仁莫先於親親  
義莫嚴於貴貴先王因仁義為之節文而禮行焉  
是故以長立宗以宗立廟庶子雖貴不以車馬入  
宗子之家重有廟也尚親親也庶子為諸侯則立  
諸侯之廟而各為宗為大夫則立大夫之廟而各  
為宗尚貴貴也自貴貴之義行然後公義私恩始

得以兩盡矣親親大宗之廟也猶封建之有君也  
貴貴小宗之廟也猶國之六官分職也異宮同財  
以相親睦猶養民之井田也非立宗則雖行家禮  
皆苟焉而已宗立則三代之治其在一家矣哉

問臣之事君義也無適而非君也無所逃於天地之  
間莊周猶能言之伊尹周公之放攝何與曰曲禮  
振書端書於君前有誅倒筴側龜於君前有誅書  
與龜筴且熒况敢放其君乎路馬必中道以足獻  
路馬芻有誅齒路馬有誅路馬且熒况敢攝君位  
乎湯之放桀也以大惡也堯老而舜攝也以授禪

也太甲非有桀惡何以言放成王非若堯老何以  
言攝亦惟折諸聖焉而已矣孔子曰何必高宗古  
之人皆賢君方諒闇身為冢宰百官總已以聽禮  
也因以訓于王焉箴也太甲顛覆湯之典刑久在  
王宮則敗禮度矣故使之居桐密邇先王則內有  
所嚴憚以起其怨艾之心外有所瞻慕以成其仁  
義之德是亦諒闇之訓也三年喪畢則冕服奉鬯  
王歸亳何放之有三王之道皆典刑所在也成王  
幼冲顓蒙未有所知周公思無三王以施四事夜  
以繼日而坐以待旦者凡以為成王也雖未堪冢

多難而典刑幸未至於顛覆則所以啓沃匡翼者  
諸三王以為法者自不容已也是又諒闇之訓也  
幼不勝冕則遲遲焉而後即辟雖七年之中輔王  
立政未嘗一日敢踐天子之位也又何攝之有世  
但據其迹以放攝言之殊不知務引其君以當道  
志於仁委曲養成則二公之心也是故盡君臣之  
大義者莫如伊周後世霍光之於昌邑器視其君  
而易置之曰吾倣伊尹之放也王莽之於孺子嬰  
斧宸南面久假不歸曰吾倣周公之攝也纂弑白  
茲藉口矣故不可以不辨

周公之制周禮也本諸廣大高明之心發為精微中正之用予謂經曲之節出自峻極之體者是已故諸儒多尊信之然其嚴上下保小寬故諸侯深惡而去其藉矧周室衰微自設煩碎不急之職而黜其大者間亦有之故小宰記六官六屬各六十災天官六十三地官七十九春官七十一夏官六十九秋官六十六冬官不存以考工記之屬二十九補之皆工之事也而缺士與農商之職則與其所敘異矣通稽其所載者亦多可疑自巫祝之屬除毒蠱攻蠹物去鼃龜妖鳥用菴草炭灰牡鞠牡穉

之屬煩瑣甚矣猶諉曰驅虎豹犀象之餘智也小  
宰司會職內職幣簿書培克之末豈所以贊太宰  
統百官者乎宰夫於失財用物而辟名者誅之其  
計利嚴矣凡式貢餘財以共玩好則非惟正之供  
矣條狼氏之誓羣臣於馭曰車輶於大夫曰鞭五  
百大史曰殺小史曰墨法何酷也與禁殺戮者無  
乃相反乎甸師喪事代王受青災既啓後王忌諱  
之端矣夏采則專治王崩復土又安用是不祥者  
為哉衮冕王與上公之服也王乘玉輅建太常節  
服氏維者六人服皆衮冕徒行車後與王奚辨焉



某氏仲春令會男女於是時也奔者不禁悖禮義而即愒淫豈所以坊民乎官府固當一體而開筭亦宜別嫌宮正比宮中之官府次舍之多寡去其奇袤之民則男女混矣夫人坐論婦禮在衆人則致飲掌客則致禮亦非所以肅梱內也內小臣掌王后之命有好事於四方則使往有好令於卿大夫亦如之則后又有境外之交矣宮中禱祠禳禱掌於內祝是啓左道之門為厭勝之事也大喪九殯既帥敎哭者內宗從焉外宗復敎內外朝莫哭者而肆師又令內外命婦序哭一事而前後紛如

妃嬪官吏能無渚乎天官有世婦掌祭祀賓客喪  
紀之事平臨于卿大夫之喪而女御從之哭諸侯  
亦如之春官亦有世婦每宮則有卿二人下大夫  
四人中士八人大喪以外內命婦之朝莫哭不敬  
者而苛罰之是或一職也而重出焉愆忘者之為  
也寺人既佐世婦治禮事則其屬自卿以下當為  
女官矣謂之卿大夫則又似士人居之而非婦矣  
采芣婦也婦人無外事而平臨又胡為者哉環人  
復有二焉夏官以致師秋官以授館王畿兵弱之  
後或轉用以詩賓客是不可知也司寇令民以財

貨相訟者入束矢以罪相告者入鈞金而後聽之  
是豈貧者所能辦哉矧金玉玩好則入於王府良  
貨賄則入於內府山師川師皆使致珍異之物司  
門復正其貨賄何汲汲於利若是蓋夷王下逮東  
遷陵替不競名為天王貧逾食采春秋書求金求  
車寢至竊缺逃債蓋自改竄而施行之故壞亂至  
此極也觀世婦則他可見矣是用雖精微中正而  
後王自作不典以亂舊章始有乖戾遠於人情者  
加以策士陋儒附會私意亦何所不至哉故吾斷  
以為非周公之全書也

重安肇天地四時之官脩六府和三事位育功化徵  
於是矣周公思無三王以制禮而法則大備孔子  
曰今用之吾從周豈此書與夫水火金木土穀民  
賴以生者也生不唐則死用不利則勞德不正則  
亂亂則甚於勞且死矣故禮必有法法行於則則  
以觀德德以處事誓不毀焉非用人理財無以舉  
三事而德其本也太宰所掌官府為先官職也以  
用人府藏也以理財凡嬪御奄寺酒食衣服器用  
貨賄皆在所領而王宮政令掌於宮正士庶子掌  
於宮伯奄不過上士寺不過五人膳服不過關市

之賦職皆微官其為中大夫者無幾臨制坊馭得  
以去其匪人惟恐皇之不極而失德之彰聞也其  
施于郡縣以任萬民者凡賦皆司徒歛之穀粟并  
羽茶炭掌於其屬而貨幣畢入于太宰之府百凡  
官府之祿各從其長均之大府授式法而分給焉  
其地之承天乎教必先富使有恒產則有恒心土  
均以辨之荒政以聚之脩六府也保息以養之本  
俗以安之和三事也合比閭族黨州鄉之衆攷德  
行道藝賢能之人其教德行也即師氏以媿詔王  
者也其教道藝也即保氏掌諫王惡者也故王宮

門闕有學自上達下以為民極不服教而後刑焉  
歲時讀法書善戒過日夜提擢惟恐傷之司諫司  
敕土訓誦訓則又自下達上惟恐嘉言攸伏而野  
有遺賢也五禮教之中六樂教之和而宗伯顓以  
禮樂合天地之化百物之產宇內其春矣乎雖司  
馬之師田與射人太僕司士諸子必由禮樂訓方  
擇人傳誦四達必使萬民和悅而後已焉是長之  
以夏也司寇之聽獄訟也中而已矣士師布憲象  
背掌文亦使和說徧于化外雖朝士司儀禮序自  
國而大小行人無遠不屆夫賓客擯相何與於刑

哉蓋刑以弼禮樂之教即秋以成春夏之仁也雖設官分職而實則相聯故太僕小臣御僕皆掌馭逆而宰夫總之是天官聯夏官也鄉師攷司空之辟又涖匠師是地官聯冬官也司徒掌教不言財而起徒役則與司馬掌政不言兵而論官材則與精粗本末錯綜相成故六典職務太宰得無軍旅一與五官咸事蓋治典道也教典化也禮典仁也政典禮也刑典義也事典智也合而言之其惟德乎以善養君而後能以善養人以禮制心而後能以禮為國其機則係乎上之人也德之不正道則

不凝無以致中和成位育於天地四時奚官焉周  
之衰也小雅刺日食山川之變責諸卿士穀洛聞  
而太子晉歸咎執政史墨亦云水官棄矣物乃不  
育是猶知六府之當脩也晏嬰曰夫民生厚而利  
用於是乎正德以幅之申叔時曰民生厚而德正  
用利而事節是猶知三事之當和也樊陵能言之  
寔失其敎尚何法則之施乎無惑乎九歌之不聞  
也

則周禮何以闕冬官曰六典之首皆言惟王建國者  
孟議禮而行之惟在於王非臣下所敢專也及成



王黜商滅淮夷還歸在讐董正治官而作周官之書革邦事之繇惟掌邦土豈因是而遂棄不傳與其曰諸侯各朝于方岳大明黜陟則慶讓之嚴有變其君者矣土地人民藉在冬官其熄於力政之世又可知也世謂冬官雜於五官未嘗亡然左傳之匠師圻人陶正工正戴記之工師漁師司鹽譚人儀禮之嗇夫賈人工人梓人國語之司商司事農大夫農師農正皆居四民時地利者也矧匠師載於地官為司空之屬明矣乃不之補其餘皆不經見於五官之中缺疑可也而億見補綴必牽

合焉何以逭自專之罪哉蓋周公創其藉而未計  
故九畿之制不合於禹貢五等之制不合於武成  
建都之制不合於召誥猶夫司空詩成王而後正  
也矧其命名各有取爾宰以制變為義伯以長人  
為義師人者夫也正人者正也尊其智則曰大夫  
平其任則曰士掌者守其物職者主其事司者總  
其領典者任其常虞者度其材衡者平其政師者  
訓其凌氏者世其官人者終其身非是名也則權  
其才而器使之苟補以考工記則其屬惟氏與人  
耳非周公命名之全制也然則冬官豈可補哉曰

周官首設公孤而周禮無之豈亦缺文與曰公孤  
坐而論道尊而無職者也觀朝士掌外朝之法左  
九棘孤卿位焉右三槐三公位焉蓋無領於六官  
也而朝必北面立必尚右亦因可見矣故周公以  
太師兼冢宰其既沒也顧命諒闇之始召公以太  
保領冢宰命仲桓南宮毛司寇蘇公亦無太史史  
佚為太史而作策則無內史天下之大惟六卿焉  
卿老二卿一人三公無之卿大夫卿各一人六卿  
無之大小相攝非專治一事而已也此官事不攝  
孔子所以責夷吾之變法也與

問成因於夏禮周因於殷禮所因者果三綱五常與  
抑損益則不因因則無所損益與曰禮有本有文  
因者本也損益者文也文可變革本則不燹大傳  
曰立權度量考文章改正朔易服色殊徽號異器  
械別衣服此其所得與民變革者也其不可得變  
革者則有矣親親也尊尊也長長也男女有別此  
其不可得與民變革者也詩亡禮壞而後春秋作  
是時諸侯力政綱常淪斁二百四十二年之中仲  
尼特書者五賊子如蔡般不討而恤小災親親之  
禮壞矣曰宋災故所以正父子之倫也亂臣如宋

督不討而受其賂尊尊之禮壞矣曰以成宋亂所以正君臣之倫也段雖有罪而鄭伯縱使失道以至於亂災後以叛討之長長之禮壞矣曰克段于鄆所以正兄弟之倫也妾母成風私事成季反以爲嫡而禘于太廟男女有別之禮壞矣曰用致夫人所以正夫婦之倫也至於胥命于蒲以示信其汲汲於綱常如此舍此而言因非禮之本矣

薛繼遠氏論郊祀曰周禮小祝有寇戎之事則保郊祀于社王安石解保郊所以防患祀于社所以弭兵非也當作一句謂郊社同耳蓋泰壇方三百步

四周為澤宮觀覲禮大畧可見故說周書曰設大社于周中當四周之中立大社即澤中方丘而圓其頂即地上圓丘故大合樂非分祀也二至考驗陰陽之聲及祀天地配以后稷則同奏之乃坤順承天合同而化之義正如人子奉養饋食於父必及其母豈可分別哉予按宋人宇文昌齡曰天地之勢以高卑則異位以禮制則異宜以樂則異數夫祀者以類應類以氣合氣然後可得而親可冀其格蘇軾曰舜之受禪也類于上帝以及羣神豈有獨不告地祇者武王克商庚戌柴望柴祭上帝

也望祭山川也而獨畧地祇豈有此理哉以是知古者祀上帝則祀地祇故詩序曰昊天有成命郊祀天地也春秋傳曰望郊之細也魯諸侯也故望及其分野山川周有天下則郊之細獨不及五岳四瀆乎岳瀆猶得從祀而地祇獨不得合祭乎大合樂舞大韶以祀四望郊望同也觀此則天地合祭久矣洪邁謂兩說至當如此近世戴章甫氏是軾而非昌齡曰坤順承乾陽施陰受自然之理也謂以氣則非所合以類則非所應可乎其見與薛氏合斯言也惜不聞于子朱子

明堂以嚮明得名凡王者之堂皆是也周公宗祀文  
王特明其義爾勝殷而歸祀明堂以教民知孝武  
王始行之考工記度九尺之筵東西九筵南北七  
筵堂崇一筵五室凡室二筵大小戴記為宮三百  
步中為太室東青陽南明堂西總章北玄堂四隅  
各有左右个个之中皆為太廟明堂左个即青陽  
之右總章右个即玄堂之左亦曰九室月令分為  
十二其實一而已召誥王朝步自周則至于豐告  
文王廟是明堂乃豐宮也鎬之去豐三十里而近  
故可步至曰內有九室九嬪居之外有九室九卿



朝焉蓋文王在時爾夫因壘崇降功莫大焉發政  
施仁德莫尚焉神之陟降恒在於此故迭禮有文  
王居明堂之薦覲禮朝諸侯在文王廟季秋大饗  
五帝嚴父以配之王服大裘而冕以霜露旣降故  
爾其外水曰辟雍文王嘗作樂焉則豐之東也武  
王伐殷為俘馘于京太室遂為鎬京蓋辟雍之中  
亦有明堂太室是曰大教之宮設四學當入學而  
太子齒旦入東學以貴仁晝入南學以貴德夕入  
西學以貴義闇入北學以尊爵即東膠太學以養  
老西則禮在瞽宗書在虞庠為小學教六藝者也

詩曰文王受命有此武功既伐于崇作邑于豐其  
明堂與鎬京辟雍自西自東自南自北無思不服  
其四學與周禮司儀將合諸侯為壇三成儀禮諸  
侯覲於天子為宮四門為壇其深二尺加方明於  
其上而設六玉以禮天地四方此則巡守之明堂  
也自漢以來其說紛如故考正之

天子七廟太祖三昭三穆周增文武二世室則九廟  
也其制亦如明堂在中門外之左前為堂各有寢  
廟別有門垣太祖在北左昭右穆以次而南後為  
室以藏主則太祖東向北昭而南穆故堂上度以

廡室中度以几廡九尺几五尺南北七廡則六丈三尺同堂異室而昭穆備矣東西九廡則八丈一尺上下各十有六几而毀廟之主皆可升矣祭法廟桃壇墪以漸降殺遠廟為桃二世室猶有寢廟高祖之父去祧為壇高祖之祖去壇為墪則有廟無寢去墪為鬼則遷入太祖之廟夾室藏之所謂毀廟之主也周語謂祖禰日祭曾高月祀二祧時享壇墪歲禱大禘終王楚語謂日祭月享時類歲祀諸侯舍日大夫舍月士庶人舍時其說不同晉孫毓曰諸侯之廟外為都宮其說不見於經而朱

子取之准以天子之禮則九廟異室而同一都宮  
猶五帝異室而同一明堂皆北面對越駿奔之所  
也廟各前堂九尺後寢如之其深二筵廟門容大  
局七个凡二丈一尺闔門容小局三个凡六尺其  
廣三筵太祖居中不過二丈七尺東西昭穆如之  
凡親盡者於廟外兆域為祧即其虛寢黜其地墜  
其垣於北壁為百室藏木主有事則出而祭之是  
謂宗祏亦曰廕主先公遷則藏于太祖廟如共王  
特組紕是已先王遷則昭主藏武王廟為左祧穆  
主藏文王廟為右祧文王為穆不害其尊者以王

季壇存故也昭常為昭穆常為穆父子曰世廟必相向兄弟曰及廟必相並若拘於六廟分列太祖之南則孝王以其王之弟懿王之叔繼懿王而立其廟逮夷厲則昭穆易位矣子孫曷由以世次為序哉故都宮之內自南而上廟皆相比隔以門垣故有每門每曲揖之文昭穆一直衡列者亦如之春秋書躋僖公以為逆祀蓋君臣之分重如父子則叔父兄弟之分輕矣故三傳以昭穆言者謂閑雖弟君也有昭道焉僖雖兄臣也有穆道焉其實兄弟鴈行與父子異也昭穆各一直衡列而君當

正位臣次其旁本支秩然豈非天叙哉世及不可  
豫期而有德之宗又無定數亦惟深廣倍乎明堂  
而已東西各十八丈九尺南北三之廟後太室深  
二十五丈二尺雖昭多於穆或穆多於昭堂事則  
各全其尊室事或虛二而對一度以筵几皆可容  
也後人廟制宏嚴門垣曷絕祭時各列陪位及無  
地可容乃為同堂異室則又因陋就簡無復壇墠  
矣正由不知孫毓所謂廟外為都宮乃對越駿奔  
之所猶明堂也

問周廟同堂其制甚儉祭行於堂足矣而又合食於

室何哉曰事亡如存也古者垣周四面謂之宮中  
前半為堂後半為室室東南隅為門西南隅為奧  
是謂正寢朝夕饗殮合族綴食在焉室後為燕寢  
兩夾為房以居婦人雜記夫人至入自闔門升自  
側階註謂闔門非正門宮中往來之門也側階非  
正階東房之房階也廟以栖神門亦如之祭則夫  
人副禕立于房中少牢饋食禮主婦被裼衣侈袂  
薦自東房故詩曰被之僮僮夙夜在公率世婦之  
老者實籩豆待徹室中之饌而後反故詩曰被之  
析析薄言還歸以此而准天子之禮可知矣蓋凡

祭裸獻皆王先之后亞之后不與則大宗伯攝書  
曰王入太室裸不言后者諸侯為賓髦士奉璋豈  
可參哉故常攝行爾尸之出入君與賓從裸獻則  
樂作既裸而薦有薦腥禮朝踐為堂事太祖南向  
左昭右穆猶事存於堂也既薦而肆有薦熟禮饋  
食為室事太祖東向北昭南穆猶事存於室也既  
食而醑尸朝獻加爵禮終九獻樂奏九成於是設  
饌門外西室索祭于祊上嗣舉奠群臣進獻更行  
三爵旅酬則爵無筭樂如之煇胞翟闔亦逮賜焉  
厥明更以一半繹於祊賓尸燕于堂由是觀之都



宮統廟堂南向故各廟大門亦南向闔門在其東  
君由宮之左而北入太室則門必自東南隅矣東  
戶西牖雖南向而尊在西南故神主皆東向祫祭  
太祖西向對越者戶在東也後世誤謂廟中寢後  
有室合食以其淺隘遂混行室事於堂然堂門南  
向非復東戶故同堂異室雖存東向之尊而有昭  
無穆則太祖以下次第而東古禮於是變而不可  
復矣是故九廟前都宮而後太室周之制也

禘大於祫祫大於時祭周禮六享肆獻裸者禘也饋  
食者祫也春祠夏杓秋嘗冬烝者時祭也禘為王

者大祭王者既立太祖廟又推太祖所自出之帝  
祀諸太祖廟而以太祖配之其主藏於郊宗石室  
先妣之廟孟仲子曰是謀宮也禘則立尸逆之逸  
禮曰禘于太廟之禮日用丁亥毀廟之主皆升合  
食於太祖立二尸是已禮自外至者同于天地得  
主而止故堂事禘正南面太祖配則西向室事禘  
正東面太祖配則南向是謂追享餘皆合食而功  
臣從享非不饋食也而主於裸主以肆饗齊以獻  
詩序長發大禘也說者謂禘不及群廟之主故朱  
子謂宜為祫祭之詩然帝立子生商非所自出乎

玄王祖也相土毀廟也阿衡從享也禘為大祭其  
後祫亦明矣自諸侯遷廟禮君及從者皆玄服推  
之則喪服小記禮不王不禘謂除服之後遷主于  
廟而吉禘以諦昭穆故曰禘者諦也大祫則太祖  
東向群廟毀與未毀者皆合食以王即位始朝于  
廟謂之朝享非不酌裸也而設饌於堂延尸入室  
祝直祭于主自士虞禮哀薦祫事推之則祫在諒  
闇之中與禘不同商書稱太甲元年伊尹祠于先  
王是豕宰攝祭以朝廟也新陟之王始升而大祫  
以告嗣位故曰祫者合也祫先而禘後者易檐改

塗更黻其廟必先遷當毀之主於夾室而通黻焉  
遲以歲月則可以納新祔之主矣時則荒服終王  
諸侯乃祭高宗寢成而殷武歌來王武王入廟而  
載是歌辟公是也故追享朝享為四特間祀者以  
其不常有爾然諸侯之禘及其太祖與祫無異故  
左傳曰凡君薨卒哭而祔祔而作主特祀於主烝  
嘗禘於廟祫且禘也公羊傳曰大事者何大祫也  
五年而再殷祭殷者大也禮緯三年一祫五年一  
禘蓋本於此後世遂以為當祀不復有知其為間  
祀者矣夫諸侯不祔所自出之帝者何哉魯當

周公而祖文王則尸用王者冕服饗以王者禮樂  
鄭祖厲王亦如之故諸侯不祖天子也魯之禘郊  
非禮矣或問禘之說孔子答以不知者與也禮不  
王不禘禘所自出之帝者必有天下明且易見莫  
過是矣此其所以示諸掌與乃若春則特祠王獨  
享于太祖攝者分獻昭穆惟有堂事王一獻卿大  
夫以次代獻夏及秋冬皆為時禘祝迎六廟之主  
合乎太祖惟有室事一獻以至代獻如之既祭而  
繹四時皆二日而畢登歌合舞同在都宮是謂常  
事後世每廟致祭各有樂舞之數陪祭之位非也

問一日而祭一廟歷十八日而徧九廟亦非也如  
此則黷且倦矣然則妣亦立尸與曰始虞而祔男  
男尸女女尸由喪有考妣特祀于主不得不然及  
饋食則妣不立尸故曰周旅酬六尸文武四廟也  
后稷之尸發爵不受旅而壇壇設廟皆無尸此則  
大飴時祭之所同也

周人享先妣然後享先祖者立高辛以為稷神也故  
生民之雅歌姜嫄以及后稷亦如商頌長發歌有  
妣以及玄王皆為禘嘗爾祭法先禘後郊國語禘  
郊之事同用特牲薦栗其敬一也商周初祖同

而先妣則異故推言之禮緯祀感生帝於圓丘而  
以營魄說文姓人所生也古之神聖母感天而生  
子故稱天子祖之所自出必立郊禘蓋祀天而以  
先禘配之義如后土祭以為社也禘宮則姜嫄之  
廟也郊天之日稷尸從先妣廟出而升壇象感天  
生子也享先妣即所以禘營也故郊宗石室營主  
藏焉禘于太廟立尸逆之則導主禘營而姜嫄不  
與魯有禘樂閼宮亦歌姜嫄以及后稷則先妣之  
為禘宮明矣祈子則用仲春玄鳥至日祀之而其  
正祀則在郊天時以取感生之象非別有所謂感

生帝也前漢大祫太祖南向禮如堂事後漢大禘太祖東向禮如室事雖稱堯後而不禘堯惟尊高帝為太祖以功德也魏晉以後但論東向之尊自是混室事為堂事矣唐追帝皋陶及西涼武昭王曷皆別立廟惟藏遷主為二祧大祫則尊始封唐公虎為太祖位東向擬契稷而高祖太宗皆為昭穆玄宗始尊老聃為混元皇帝禘諸太清宮尋罷之宋祫太祖如漢高而不禘真宗用方士言立景靈宮祀司命天尊趙玄朗如唐老聃然亦不禘南渡後欲禘宣祖又不果行蓋推所自出有愧商周



而假托神恠又嘆其非類以禘之所以終廢與自  
是高禘惟一時權祭無復禘郊之事矣

家廟唐制卿大夫皆祭三室觀諸昌黎韓氏所為廟  
碑稱室于東則曾祖初室在西可知子朱子家禮  
祭及高祖參以大全集謂席南鄉北鄉以西方為  
上蓋尚右之義相沿如此丘文莊公定為儀節乃  
遵洪武舊制高曾居中東祖西稱而祭儀則仍家  
禮豈吾夫子祝存商文從周之遺意與故予建家  
廟中貯板屋隔而為四一如儀節以奉四親夫請  
席何鄉固古之文也事亡如存亦古之道也方其

生存几卓尊卑既與古昔席地之時迥絕畧倣同  
堂異室之制俾父子殊席翁婦不相邇于以栖神  
而致生之不亦協諸義乎雖韓朱復起吾知其必  
從也至若出主祭于正寢以倣時祫則非禮矣翁  
婦相見父子相並如之何其合也故四時歲暮不  
必出主惟於四室各為几筵是亦祫也已程子冬  
至祭初祖立春祭先祖季秋祭禰雖近於禘祫明  
堂然報本追遠禮以義起吾亦行之祖考逮事者  
忌日則出主祭于正寢昭其專也配必以嫡妣昭  
其尊也凡歲時朔望與夫謁告薦獻之儀旁親附

食之位皆從家禮儀節其有功德當不祧者則立世祧祠別祀之義門鄭氏祀五世僭矣魏校祠堂說必叙昭穆則難行矣吾無取焉

予泣南雍將釋奠輯儀註以告六堂師生曰孔顏授受之禮其即堯舜之所謂欽乎視聽言動攝諸其心蓋合恭與敬而言之者也是故常存諸中敬而不貳則動形於外恭而可象檀弓曰與其敬不足而禮有餘也不若禮不足而敬有餘也岐禮於敬是以亟習於儀為禮矣豈知禮者哉夫設監立規聖有謨訓言必跪聽行必矩步凡衆之動有弗整

齊嚴肅則必糾而訂焉使其心常一於敬故也敬  
存則天性秩然章於人事禮之全體在是矣故夫  
粢盛牢醴匪以播馨香告充牣也品罍俎豆匪以  
侔明潔耀壬林也登降周旋匪以嚴等威美容好  
也憂擊綴兆匪以繁歌奏聳觀聽也可象之儀要  
有不貳者以為之主焉教養弗豫動罔或欽而望  
其歲事盡禮吾見其難矣盍亦求其本哉

禮運形而上矣然致謹於內以講信脩睦辨等於外  
以治政安君外之制者內之發也故曰義者仁之  
節仁者義之本其大而一者乎禮器形而下矣然

以多為貴者以其外心故君子樂其發以少為貴者以其內心故君子慎其獨內之尊者外之樂也故曰無本不立無文不行其一而大者乎譬諸木焉根幹枝葉生意常存者全體之仁也本也一枝一葉各具一理者散殊之義也文也舍流行運用之實而為操存虛靜之談求事功名物之末而違視聽言動之本皆非禮也然則戴記授受其諸仲尼之徒與

喪服子夏傳曰父子一體也夫妻一體也昆弟一體也故父子首足也夫妻脾合也昆弟四體也故昆

弟之義無分然而有分者則辟子之私也子不私其父則不成爲子故有東宮有西宮有南宮有北宮異居而同財有餘則歸之宗不足則資之宗夫釋一體之義以首足牒合言父子夫妻不分可知矣昆弟四體云者手足不容不爲四故異宮也辟與避同私厚也宗者何大宗小宗共禰者也資取也分而異宮者以子必私厚其父若同宮有伯叔則父烏得而獨厚爲父者又烏得而常之及其同資財也則手足雖四體實即一體而已矣其曰東西南北則門垣之隔焉耳內則曰命士以上又

子異宮謂同宮亦隔別之俾翁與婦各不相見非  
若後世離析之遠也古禮之曲盡人情如此

喪服小記曰親親以三為五以五為九上殺下殺旁  
殺而親畢矣三者何父也已也子也上因父而及  
祖下因子而及孫則為五上因祖而又及高祖下  
因孫而又及玄孫則為九上殺者祖以上服漸輕  
下殺者孫以下服漸輕旁殺則高祖以下之旁從  
服亦漸輕而至於親盡矣雖有九族所謂喪多而  
服五是五等之服皆喪服也故斬衰唯而不對齊  
衰對而不言大功言而不議小功總麻議而不及

樂以哀之發於言語者也大功不食醯醬小功總  
麻不飲酒醴以哀之發於飲食者也大功貌若止  
小功總麻容貌可也以哀之發於容體者也布八  
十縷為升衰三升大功九升小功十一升總麻十  
五升去其半有事其縷無事其本以哀之發於衣  
服者也夫大功小功總麻服漸輕矣而皆不能無  
哀焉今之恭父三年者反是喪禮廢矣吾賢學時  
有喪生母者以嫡母在與假心喪三年俾致哀也  
周禮大祝辨九拜以享右祭祀稽首頭至地久而後  
興頓首至地即興空首至手即興所謂拜手也三



皆為正拜餘皆依以為之振動謂鞠躬引手作揖  
謂之習諾舊註謂戰慄變動非也吉拜謂拜而後  
稽顙凶拜謂稽顙而後拜喪服小記曰為父以長  
子稽顙大夫弔之雖總必稽顙是賓主皆同也奇  
拜謂一拜褒拜謂再拜肅拜謂推手曰揖引手曰  
揖禮之尤殺者也惟婦人以肅為正軍中亦如之  
但男尚左手女拜尚右手為異耳喪服小記又曰  
婦人為夫與長子稽顙其餘則否蓋軍中擐介冑  
婦人有首飾皆難俯伏止為肅拜及遭喪所重在  
夫與嗣故變其禮也朱子跪坐拜說曰兩膝著地

伸腰及股而勢危者為跪即采薇之詩所謂啓也  
兩膝著地以尻著蹠而稍安者為坐即爾雅所謂  
妥也肅拜則拱兩手而下之至地杜子春解奇拜  
云拜時先屈一膝今之雅拜也夫特以先屈一膝  
為雅拜則他拜皆當齊屈兩膝如今之禮拜明矣  
九拜之中稽首最重臣拜君也頓首次之平敵相  
拜也空首君拜臣也然周誥言周公拜手稽首成  
王亦拜手稽首敬事故爾至於垂衣拱手則兩手  
端拱未嘗散弛王者且然况為臣子者乎故持敬  
之功雖睡覺燕閒暗室屋漏亦宜端拱以収其敬

心夫學豈外禮哉此檀弓述二三子之拱所以為  
警學也

曰友邦冢君又曰太史友內史友君之於臣有友  
道焉大饗于廟有戒有速大賓至王乘金路過之  
有故使人休享致幣神明之也燕則立一為賓者  
宰夫為主與之行禮實則君為主群臣皆賓也視  
朝孤卿特揖謂一一揖之三公可知矣大夫以其  
等族揖謂中大夫下大夫各以爵而群揖之士旁  
三揖以上士中士下士皆卑於大夫故附諸旁焉  
及合諸侯土揖庶姓推手下也時揖異姓推手平

也天揖同姓推手高也蓋異姓有姻庶姓無親故  
漸殺其禮耳及其沒也必弔臨之同姓於宗廟同  
宗於祖廟同族於禰廟為三公六卿錫衰為諸侯  
總衰為大夫疑衰錫麻之滑易者也總則益細疑  
則擬於吉矣禮下之制大都如此

四時行焉百物生焉發育峻極語大天下莫能載焉  
者也鄉黨一篇發皆中節三百三千語小天下莫  
能破焉者也士相見禮曰若君賜之食君先飯脾  
禮曰執圭入門鞠躬焉如恐失之私覲愉愉焉推  
類而觀執禮雅言見諸躬行者也是故尊德性而

道問學亦豈二事哉何則廣大高明本寂然也而  
細微曲折無過不及者皆由是出致知以涵泳之  
循理以培植之德日新而天命全矣道之洋洋皆  
會於我其本無非禮其發無非仁故曰聖人可學  
而至

軍禮有五合大宗伯與大司馬之職而觀之簡稽鄉  
民即大師之禮用衆也均守平則即大均之禮恤  
衆也蒐苗獮狩即大田之禮簡衆也施貢分職即  
大役之禮任衆也比小事大即大封之禮合衆也  
其始也簡鄉民之強弱稽其衆寡必勇敢有智者

而後用之因地以令賦因家以起役地有肥磽而  
賦有輕重家有上下而法有詳畧恤之必均焉夫  
然後春以教振旅夏以教養舍秋以教治兵冬以  
教大閱蓋坐作進退不講則不知刺伐擒縱不習  
則不能故必簡其技藝之精者焉歲莫起役帥其  
民而至任其財力家無過一人豐年則公旬用三  
日中年則公旬用二日無年則公旬用一日其勞  
之也有節矣大國三軍次國二軍小國一軍大必  
撫小以恩小必事大以禮則上下同心而一德使  
之冒矢石當鋒刃非但不辭亦且不懼矣此帝王

之道以全取勝者與後世軍不出於農官不恤其  
伍占役剝削以至逃絕雖大閱以教練之徒為文  
具而已儀禮經傳不講求其源而採及司馬瀉孔  
叢子瑣瑣祭告非邦政之大者也

冕服有五自天子達于大夫各有等殺以辨上下虞  
書作服天子自日月而下十二章故冕亦十二旒  
法天數也鄭玄乃謂日月星辰畫於旒而冕服九  
章與諸侯同則謬矣冕服之次則有皮弁詩曰充  
耳琇瑩會弁如星謂冕與皮弁也冕則前旒以蔽  
明充耳以塞聰皮弁視朝明目達聰以其無旒與

充耳也說詩者混為一服則又謬矣齊風著之詩有充耳者昏禮攝盛蓋士攝大夫故也哀公問曰冕而親迎不已重乎孔子曰大昏萬世之嗣也何謂已重蓋其義如此

深衣類朝服祭服之中單乃衣之長遽者別有裳在內非連裳為一也昉自有虞氏天子至於庶人通服之上衣下裳取諸乾坤者易為表裏豈即所謂紵衣與紵者單也制十有二幅鄭玄註誤以為裳不思朝祭之衣短故有裳在下深衣長遽則蔽裳在內耳黃潤玉氏曰古者布幅二尺二寸除二十



殺縫惟存二尺故身材背縫左右各二尺外接袂  
幅二尺二寸共四尺二寸所以袂之長中屈掩臂  
至尺間喪云扱上袷註謂深衣前襟也玉藻云袷  
當旁謂內外袷并四裾袷皆在身材之旁既有六  
幅而身材兩袖又有六幅則為十二矣以玄為飾  
白體黑緣可也何孟春氏曰曲袷如矩謂裁作方  
盤領即應如矩之義續袷乃所添兩襟也更加鈎  
起紐于肩上則鈎邊也若以斜為方則非矣冠用  
緇布幅巾加于玄冠其屨則舄垂大帶而佩玉庶  
合古制云

子朱子言今之公服上衣下裳相屬者也非古制矣  
今之燕服其胡服乎晚年以野服見客上衣下裳  
大帶方履束帶足以為禮解帶足以燕居今予得  
其遺像於建陽家塾衣用白體皂緣長與膝齊裳  
用黃中及兩旁皆四幅不相屬大帶用白絹以皂  
緣之鶴林玉露所載亦同凡言白體者今之玉色  
絹也君子非黃白不御非玄不以為冠飾

五服之袷縫皆向外與吉服殺縫向內者異前有袷  
當心者也後有負在背者也左右有辟領各四寸  
向外出於袷外以適體故謂之適焉衣之長過腰

帶下再長一尺可掩裳際袷二尺有五寸袂屬幅  
衣二尺有二寸袷尺二寸則合袖一尺而留者也  
女子之衰如深衣十二幅而有頭帶以為首經蓋  
古緣情制服女天父妻天夫斬衰三年情禮俱盡  
者因心立極也妻喪杖其情禮俱殺者遠嫌疑尊  
乾道也為嫡子三年斬衰而不去官尊祖重嫡崇  
其禮殺其情也孝莫大於嚴父故父在為母免官  
而齊衰情已申而禮殺也為人後者為所生父母  
服朞心喪三年為師亦心喪三年若喪父而無服  
蓋謂弔服加麻也儀禮喪朋友麻而子為父斬衰

尸既襲衣十五升布深衣扱上衽徒跣交手哭是  
孝子未成服亦服深衣也制如深衣而純之以麻  
是為加麻而帶經冠素庶乎若父而無服矣

民生於三事之如一父生之君治之師教之故書言  
后王君公必及大夫師長禮於檀弓並言君親師  
也天子養三老五更於大學執爵獻饋冕而摠于  
事之如父兄然制為敬長重嫡之禮冠昏皆長子  
家婦重而庶子介婦輕祭則上嗣舉奠嫁嫡女則  
娣姪媵異姓亦媵無嫁少女之禮春秋書季姬歸  
者變也夷狄之俗貴壯賤老而愛少子女正德間

霸州趙錕倍師對坐人呼風子今胥傲之矣悲夫  
命德討罪禮之大者也九儀之等宗伯司之賜予之  
用外府司之策命之出內史司之備賞如天命何  
成公安於慢而王事罔舉是謂不共春秋書天子  
使召伯來賜公命以見魯非往受頒自王也立司  
寇以詰四方立士師以禁軍國立訝士以掌獄訟  
失刑如天討何負芻恣於逆而國嗣蒙變是謂不  
軌春秋書曹伯歸自京師以見曹未絕位者自王  
也周禮寔廢至簡王刑賞紊矣無禮其能國乎  
詩曰乃召司空乃召司徒諸侯有卿自殷已然魯秉

周禮見左傳者三卿而已叔孫豹卒杜洩將以輅  
葬季孫不從洩曰夫子受命於朝而聘於王王賜  
之輅復命而致之君君不敢迎王命而復賜之吾  
子為司徒實書名夫子為司馬與工正書服孟孫  
為司空書勲今死而不以是棄君命也雖一事而  
卿皆與焉卿大夫設官見儀禮者宗人樂正筮人  
卜人夏祝商祝是已家臣上儼王朝不以為僭王  
朝特後庚革不以為愆如大卜為大人司閔為閔  
尹行人為行理之類宣王以魯孝公為國子導訓  
諸侯即師氏也後世欲行周禮豈必盡相沿哉

古不墓祭非也周禮凡祭於墓冢人為尸夫葬必北  
首向明也必有明器神明之也骨肉歸於土其魂  
氣無不之故廟已栖神矣而墓藏體魄所謂未施  
哀於民而民哀者可弗祭乎孔子封墓崇四尺識  
弗忘也子路去魯謂顏淵曰何以贈我曰吾聞之  
也去國則哭于墓而後行反其國不哭展墓而入  
謂子路曰何以處我曰吾聞之也過墓則式過祀  
則下是歆墓次於廟也孔子葬泗上子貢廬墓三  
年魯世世以歲時祠孔子墓孰謂古不墓祭哉

庸言卷第五